



**Nasjonalparkstyret  
for Jotunheimen  
og Utladalen**

**Postadresse**  
Postboks 987  
2604 LILLEHAMMER

**Besøksadresse**  
Norsk fjellsenter  
Brubakken 2, 2686 Lom  
Luster kommune,  
Kommunehuset, 6868 Gaupne

**Kontakt**  
Sentralbord: +47 61 26 60 00  
Direkte: +47 948 80 564  
fminpost@statsforvalteren.no  
<http://www.nasjonalparkstyre.no/jotunheimen>

Storådalen beitelag v/ Hans Erik Kolden

Saksbehandler Kari Sveen

Vår ref. 2021/2771-2 432.3

Dykkar ref.

Dato 11.03.2021

## **Delegert vedtak - Jotunheimen NP - Motorferdsel - snødekt mark - Bruk av snøskuter for frakt av materialar til sperregjerde - Storådalen beitelag**

Viser til søknad ved e-post av 1. mars 2021.

### **Bakgrunn**

Det blir søkt om løyve til bruk av snøskuter i samband med nødvendig transport av materialar for gjerde knytt til beitedrifta vest for Gjende:

*«I forbindelse med hafelling rundt "myra" i vetlådalen, treng vi meire material. Vi har liggande virke ved sperregjerdet i vetlådsalen som er tenkt å bruke oppatt, da dette vart erstatta med strømtråd. Vi leigde scooter av rødekors i 2018 for diverse flytting av gjerdetmateriell i Gjendebu, dette har vi brukt opp.*

*Storådalen Beitelag søker derfor om tillatelse/dispensasjon til og kjøre scooter fra Gjendesheim til Gjendebuområdet for og utføre dette. Det er greitt og ta høyde for ein dag inn og retur dagen etter. Vi ser for oss og utføre dette veka før påske, altså veka 12 om været tillet det.»*

Beitelaget hadde eit tilsvarende løyve i 2018.

### **Heimelsgrunnlag**

#### **Delegering**

Nasjonalparkstyret har delegert forvaltningsmyndigheit for Jotunheimen nasjonalpark og Utladalen landskapsvernområde i medhald av vedtekter revidert med verknad frå 01.01.2020. I medhald av vedtak i Nasjonalparkstyret for Jotunheimen og Utladalen 11. mai 2016 er myndigheit til å treffe vedtak i kurante saker som gjeld søknad om løyve etter dei spesifiserte dispensasjonsreglane i verneforskrifta delegert til nasjonalparkforvaltar.

#### **Verneforskrift for Jotunheimen nasjonalpark av 14.11.14**

Verneforskrifta § 3, pkt. 6.1, set eit generelt forbod mot motorferdsel i nasjonalparken. I medhald av § 3 pkt. 6.3 b) kan forvaltningsstyresmakta gi løyve til: *«Motorferdsel på vinterføre, på veg eller med luftfartøy i samband med husdyrhald, vedhogst og utøving av bruksrett som gjeld fiskekultivering.»*

#### **Forvaltningsplan**

Utkast til forvaltningsplan for Jotunheimen og Utladalen (2008) har som overordna mål at det skal vera *«minst mogleg motorisert ferdsel i nasjonalparken og landskapsvernområdet»*.



Kap. 8.15.5 Dispensasjonspraksis pkt. b) viser til at  
«det vil vere vanskelegare å få dispensasjon i sone utan tilrettelegging og inngrep, og i område og til årstider og til tider då det er mange som ferdast i eit område, som i fellesferiar, høgtider og helgedagar og evt midt på dagen.»

### **Vurdering**

Verneforskrift for Jotunheimen nasjonalpark opnar for at det kan gjevast løyve til motorisert transport på vinterføre i samband med husdyrhald. Det er viktig å oppretthalde bruken av utmarksbeite også innan nasjonalparken. For å lette drifta og sikre beitedyra mot skader er det nødvendig med gjerde på utsette plassar. Avstand frå lager til gjerdeplassar er såpass lang at det er relevant å gje løyve til motorisert transport. Bruk av snøskuter vinterstid er ei rasjonell transportform med avgrensa konsekvensar for andre brukarar. Dette under føresetnad at ein utfører transporten på ein måte som tek omsyn til dyrelivet og til utøvarar av friluftsliv, jf. formålsparagrafen i verneforskrifta. Ut ifrå målet om minst mogleg motorisert transport bør transporten om mogleg samordnast med annan transport i området.

Ein enkelt tur etter merka trasé inn til Gjendebuområdet via isen på Gjende blir ikkje vurdert å gje vesentleg innverknad på verneverdiane. Når det gjeld intern transport av materialar til gjerdelokalitetane i Veslådalen, er det viktig å utføre oppdraget mest mogleg varsamt, jf. dei miljørettslege prinsippa i naturmangfaldlova §§ 8-10. Det er registrert sårbare artar i området, jf. § 8 om kunnskapsgrunnlaget. Ved eventuell observasjon av rovfugl er det viktig å opptre roleg og å halde god avstand for å unngå unødig forstyrning, jf. føre-var-prinsippet og økosystemtilnærming og samla belastning i naturmangfaldlova §§ 9-10. § 11 vert ikkje vurdert som relevant. Bruk av snøskuter blir vurdert som den mest skånsame transportforma (nml §12). Motorferdsel på helgedagar er lite heldig, og transporten bør derfor leggjast til vekedag, i tråd med retningslinjer i forvaltningsplanen.

Det er på grunnlag av vurderingane over gjort slik delegert vedtak:

### **Vedtak**

**Med heimel i verneforskrift for Jotunheimen nasjonalpark § 3 pkt. 6.3 b) får Storådalen Beitelag v/ Hans Erik Kolden dispensasjon for bruk snøskuter for transport av gjerdematerialar, i tråd med søknad.**

- Løyvet gjeld køyring tur/retur på strekninga Gjendesheim - Gjendebu, og nødvendig transport innan området Gjendebu-Veslådalen for utkøyring av gjerdemateriell og fordeling til aktuell lokalitet.
- Transportløyvet gjeld for inntil 2 dagar, og skal utførast innan 25. mars 2021. Det blir ikkje gjeve løyve til køyring i påska. Dersom værforholda gjer det vanskeleg med gjennomføring før påske, kan ein endre til to kvardagar rett etter påske.
- Transporten bør utførast på vekedagar (måndag-torsdag), og det skal takast særleg omsyn til fugle- og dyrelivet og til andre brukarar av området.
- Statens Naturoppsyn v / Rigmor Solem skal ha melding om dato for køyring seinast dagen før. Mobilnr. 959 65 158 eller e-post [rigmor.solem@miljodir.no](mailto:rigmor.solem@miljodir.no)
- Løyvet (utskrift eller pdf-dokument på telefonen) skal takast med under transport, og skal kunne visast fram ved ev. kontroll. Løyvet er også stadfesting på at skuterføraren køyrer på vegne av beitelaget.



Det er mogleg å klage på vedtaket, etter reglane i forvaltningslova. Eventuell klage skal stilast til Miljødirektoratet, men sendast via nasjonalparkstyret innan 3 veker etter motteke vedtak.

Med helsing

Kari Sveen  
nasjonalparkforvaltar

Etter våre rutinar er dette brevet godkjent og sendt utan underskrift

Kopi til:

|                              |                     |      |             |
|------------------------------|---------------------|------|-------------|
| Lom fjellstyre               | Postboks 94         | 2686 | LOM         |
| Lom kommune                  | Midtgard            | 2686 | LOM         |
| Vågå fjellstyre              | Postboks 16         | 2684 | VÅGÅ        |
| Vågå kommune                 | Edvard Storms veg 2 | 2680 | VÅGÅ        |
| SNO v/ Rigmor Solem          |                     |      |             |
| Statsforvalteren i Innlandet | Postboks 987        | 2604 | LILLEHAMMER |
| Eldrid Nedrelo               |                     |      |             |